

新疆圖志卷五十一

軍制三

中東戰爭而後京卿盛宣懷條陳自强大計以練兵為今日要務

略云今日廢餉千餘萬以養無用之綠兵復廢餉千餘萬以養有用之練勇擬定二三十年所謂有用之練勇一旦臨敵其價事與綠兵等今宜天下畫分十鎮簡練新兵三十萬人為常備兵效練二年退為豫備兵又三年退為民兵又五年除其兵籍舉舊營悉去之而廷臣亦復疏請裁汰各直省冗兵以節餉需光緒二十

二年

詔曰練兵一條為各省將軍督撫專責不論綠營勇營當此餉項支絀均應大加裁汰該將軍督撫等奉到此旨務須腳踏實地見諸施行毋得粉飾因循一奏塞責欽此是時新疆以地處邊徼英俄接壤防務刻不容緩未能據議裁革至光緒二十九年巡撫潘效蘇請遣散內地客勇改練土著世襲兵以固邊防而紓餉力計步兵一名撥給上地十畝牛馬各五隻羊十隻馬兵加倍營旗哨官營書哨書差弁親兵護兵長人等層遞加倍令其家屬耕牧內抽壯丁一人入伍充兵月給鹽菜銀九錢倉糧四斗其章程大概

新疆圖志

軍制三

如左

撫標步隊二千五百人馬隊一千一百三十人專防步隊一百人計應撥上地十萬二千六十畝給羊十二萬一千一百九十隻月支薪水公費鹽菜馬乾銀九千九百三十兩九錢月支糧一千四百八十四石四斗

喀什噶爾提標步隊二千四百人馬隊七百七十人專防步隊二百人計應撥上地九萬九百七十畝給羊十萬三千五百隻月支薪水公費鹽菜馬乾銀八千三百七十七兩九錢月支糧一千三百二十四石四斗

阿克蘇鎮標步隊一千七百五十人馬隊五百三十人專防步隊一百人計應撥上地六萬三千七百四十畝給羊七萬二千四百四十隻月支薪水公費鹽菜馬乾銀五千八百五十五兩四錢月支糧九百三十五石六斗

巴里坤鎮標步隊一千一百五十人馬隊四百八十人計應撥上







存額外馬夫私夫車夫棚夫子藥夫駝夫五千五百三人減一千六百九十三人為四十三人其制

撫標

馬隊九旗

本城駐中營左旗左營左旗城守協左旗各一瑪納斯協標左旗各一喀喇巴爾葛遜濟木薩精河庫爾喀喇烏蘇各一

每旗以五十四人為

定額管帶官一哨長二巡查四營書二領旗六親兵十哨書護

兵八馬勇二十四九旗共四百五十人

步隊七營

本城駐中左城守各一精河濟木薩瑪納斯各一

每營以二百七人為定額管帶官一哨

長四巡查二營書三什長十九親兵三十二哨書護兵十二正

勇一百三十四七營共一千四百人

又步隊三旗

本城駐城守一吐魯番庫爾喀喇烏蘇各一

每旗以一百六十五人為定額管帶

官一哨長三巡查一營書二什長十五親兵三十二哨書護兵

九正勇一百二三旗共四百八十人

親軍衛隊步隊一旗以三百六十七人為定額管帶官一哨長

三巡查一營書三什長二十八親兵四十四哨書護兵十五正

新疆圖志

軍制三

三

勇二百四十火勇三十二實計營書親護正勇三百六十二人

親軍衛隊馬隊一旗以一百二十六人為定額管帶官一哨長

二巡查一營書二領旗十親兵二十七哨書護兵十實計營書

親護正勇一百二十人

練軍左右兩翼馬隊六旗

左右翼各設中左右三旗

每旗以二百二十七人為定

額管帶官一哨長二巡查二營書二領旗十一親兵二十七哨

書護兵十馬勇七十二六旗共七百三十二人

親軍礮隊一哨以九十二人為定額管帶官一哨長一營書一

什長六護兵四礮勇七十二火勇七實計營書親護正勇九十

人

巡營步隊一營以四百一十人為定額管帶官一幫帶官一正

副哨長八差弁九營書三什長四十親兵六十三哨書護兵二

十五正勇二百六十實計營書差弁親護正巡兵四百人

續備中營步隊一營以四百一十人為定額管帶官一幫帶官



一正副哨長八營書三差弁九什長四十親兵六十三哨書護  
兵二十五正勇二百六十實計營書親護正勇四百人

撫標過山礮隊城守協礮隊二哨每哨以六二十人為定額管  
帶官一哨長一營書一什長五護兵二礮勇五十二實計二哨  
營書親護礮勇共一百二十人

合撫標所屬共馬隊十六旗步隊九營四旗礮隊三哨營旗哨長  
巡查一百六十五人營書親護正勇巡兵四千五百五十六人  
喀什提標

馬隊十四旗提標中營左旗右旗左營左旗右營左旗前營中旗城守營中軍各  
一回城協營左右旗各一莎車協營中左右各一和闐英吉沙爾各一每旗官弁兵  
額如撫標馬隊旗制十四旗共七百人

步隊八營提標中左右前城守各  
一回城莎車和闐各一每營官弁兵額如撫標步隊營制八營  
共一千六百人

又步隊二旗英吉沙爾瑪  
納巴什各一每旗官弁兵額如撫標步隊旗制二旗共  
三百二十人

新疆圖志

軍制三

續備前營步隊一營每營官弁兵額如撫標續備中營營制計  
四百人

喀什城守營礮隊一哨每哨官弁兵額如撫標礮隊營制計六  
十人

合喀什提標所屬共馬隊十四旗步隊九營二旗礮隊一哨營旗  
哨巡查一百三十四人營書親護正勇三千八十人

阿克蘇鎮標

馬隊七旗鎮標中營左旗右旗左營右旗各一喀喇沙爾中旗  
庫車營中旗老湘軍親軍中旗烏什協左旗各一每旗官弁兵額如提標馬  
隊旗制七旗共三百五十人

步隊四營鎮標中左各一喀  
喇沙爾烏什各一每官弁兵額如提標步隊營制四營共八  
百人

又步隊四旗城守庫車蒲  
昌烏什各一每旗官弁兵額如提標步隊旗制四旗共  
六百四十人

阿克蘇城守營礮隊一哨每哨官弁兵額如提標礮隊營制計六



十人

續備左營步隊一營每營官弁兵額如提標續備中營營制計  
四百人

羅布淖爾屯防步隊一哨以七十一人為定額守備一哨長一  
營書一什長六護兵二正勇六十實計營書親護正勇六十九  
人

合阿克蘇鎮標所屬馬隊七旗步隊五營四旗一哨礮隊一哨營  
旗哨巡查九十人營書親護正勇二千三百一十九人

巴里坤鎮標

馬隊五旗鎮標中營中旗老湖中旗各一  
哈密協標左右旗木壘營各一每旗官弁兵額如阿克蘇鎮標旗制  
五旗共二百五十人

步隊二營鎮標中營  
哈密協營一每營官弁兵額如阿克蘇鎮標步隊營制二營  
共四百人

又步隊二旗鎮標左營一  
城守營一每旗官弁兵額如阿克蘇鎮標步隊旗制

新疆圖志

軍制三

五

二共三百二十人

續備後營步隊一營每營官弁兵額如阿克蘇鎮標續備中營  
制計四百人

哈密納沁營屯田步隊一哨每哨官弁兵額如阿克蘇鎮標羅  
布淖爾屯防營制

合巴里坤鎮標所屬共馬隊五旗步隊三營二旗一哨營旗哨巡  
查五十六人營書親護正勇一千四百三十九人

伊犁鎮標

馬隊八旗鎮標中營左旗右旗左營右營中旗各一霍爾  
果斯營左右旗各一甯遠中旗一鎮標左旗一每旗官弁兵額如阿克蘇鎮

標馬隊旗制八旗共四百人

步隊六旗鎮標中左右各一城守  
甯遠霍爾果斯各一每旗官弁兵額如阿克蘇鎮標步隊旗  
制六共九百六十人

續備右營步隊一營每營官弁兵額如阿克蘇鎮標續備中營  
制計四百人



綏定城守營礮隊一哨每哨官弁兵額如阿克蘇鎮標礮隊營制計六十人

合伊犁鎮標所屬共馬隊八旗步隊一營六旗礮隊一哨營旗哨巡查七十四人營書親護正勇一千八百二十人

塔城協標

馬隊五旗協標左右前後各一定邊七旗一每旗官弁兵額如鎮標馬隊旗制五旗共

二百五十人

步隊三旗協標中左右各一每旗官弁兵額如鎮標步隊旗制三旗共四百

八十人

合塔城協標共馬隊五旗步隊三旗營旗哨巡查三十五人營書親護正勇七百三十人

全疆撫提鎮協各標共有馬隊五十五旗步隊二十七營二十一旗二哨礮隊六哨內除火夫馬夫私夫馱夫車夫子藥夫均不列入正額計營旗哨巡查五百五十四人營書親護正勇一萬三千

新疆圖志

軍制三

六

九百四十四人是因節餉而議裁兵此兵制之二變也

巡防隊

光緒三十三年五月十七日陸軍部奏 准擬訂巡防隊暫行章程分咨各省新疆巡撫聯魁督同布政使王樹枏暨督練公所司道就原有各標路防營練軍人數餉項通盤籌畫奏遵部議改編

疏云查新疆置省之初前撫臣劉錦棠及護理撫臣魏光燾先後奏設撫提鎮各標營計共員弁勇丁二萬四千三百餘人後因協餉維艱陸續裁併迨前撫臣潘效蘇因庚子以後餉項奇絀復大加裁減每隊每營旗存留多者不過二百人少僅百六十或百二十人不等馬隊每旗只存留五十員名通計合省馬步僅存一萬四千餘人歲需餉銀一百一十六萬兩於餉項節省實多惟新疆外逼強鄰內統諸部絕域安危動關全局似此營不成營旗不成旗安能獨樹一幟而所練新軍僅二千七八百人規模初具亦未能即成勁旅奴才每與司道提鎮籌及邊事輒以兵力單弱為慮現奉通行章程自應遵照將全省舊有各營旗一律改編從新整頓就地勢而論東向以哈密巴里坤為門戶西向以伊犁喀什噶爾為門戶而迪化與阿克蘇實握南北兩路之中樞必須區分五路方足以資鎮懾擬將撫標各營汛為中路設步隊九營馬隊六營喀什提督管轄各營汛為前路設步隊七營馬隊七營巴里坤管轄各營汛為後路設步隊四營馬隊四營阿克蘇鎮管轄各營汛為左路設步隊七營馬隊五營伊犁鎮管轄各營汛為右路設步隊五營馬隊五營通省共設步隊二十二營馬隊二十七營即以現任大小各武職酌量分別委任以提督總兵為統領緩設幫統以副參游都守為管帶並以守備千把外委酌充哨官哨長查新省現任各武職多係從前帶勇立功之人既符部章與劉錦棠設標原奏以官帶勇之議亦屬相合遵章每步隊一營額設官弁兵夫三百一人每馬隊一營額設官弁兵夫一百八十人額馬一百二十五匹惟新省舊章馬隊營書護兵均給馬一匹與馬勇等各給夫半名此次馬隊改編之護兵及書記長司書生等應照舊章各給馬一匹與馬勇等各給夫半名計馬隊每營須增額外馬夫六十三人馬二十二匹綜計馬步五十九營共設官弁兵夫一萬四千六百三十九人額馬三千六百四十五匹額外馬夫一千七百一十一人馬五百九十四匹內統領管帶等官及哨官哨長均照舊支食廉俸每月酌加公費統計一切並廉俸每年約需現餉銀一百一十萬兩內外較原設標路各營旗哨人數並未減少而原有餉項略足相抵仍俟設定後由奴才商同各提鎮查照原日汛地或分營或分哨擇要駐紮認真操練並將軍服一項先行按照圖說製備飭各營一律改換以肅軍容從此集散為整振弱為強無事之時可以緝捕盜賊捍衛地方有事之時可以協力守禦為陸軍聲援裨益邊防實非淺鮮嗣後各營將弁儻有仍蹈故習違章減扣等弊奴才仍當分別參辦決不姑容庶於部臣



原奏因仍顧整二義不相刺謬部覆報可惟於額外馬夫駁令裁減嗣因各屬巡警兵未

臻完善經巡撫聯魁奏准抽巡防步隊六營額餉分練警兵又因

就標營改編汰除孱弱甚多適值餉項支絀復奏請將汰除之兵

暫時懸額俟餉源畧裕再行募補足額疏云自改編巡防隊後奴才疊經嚴飭各路統將從前孱弱一律汰除力求精壯其汰除名數責成據實

申報另行募補以冀一兵得一兵之用旋據各營呈報認真汰除約有三四成之多本應如數補足據布政使王樹枏鎮通道兼按察使銜榮甯詳稱目前地方粗安各營挑存精壯量地衝僻分撥填紮足資防守正值餉項奇絀接濟維艱應請將各營汰除之兵

暫時懸額俟餉源畧裕再行募補足額等情奴才維邊地軍政最關緊要陸軍尚未成鎮巡防隊為地方安危所繫未敢輕議裁減奈為餉項所窘邊塞瘠苦又別無利源可濟暫將孱弱汰除稍緩募補藉此騰挪挹注亦係出於萬不得已計劃

分中前左右後五路設馬步五十三營按照部章編制仍以舊有

之大小武職分任統帶每路統制設統領官一書記官一會計官

一執事官一司書生二馬弁二護兵十四伙夫二惟中路僅設統

領官一歸新疆巡撫兼充幫統官一以迪化城守協兼充其書記會計執事各官及司書生馬

弁護兵伙夫均從緩設步隊每營管帶官一哨官三哨長三什長

二十四正兵二百十六書記長一司書生五鼓號目一鼓號兵六

護目一護兵十六伙夫二十四馬隊每營管帶官一哨官三哨長

三什長十二正兵一百八書記長一司書生五鼓號目一鼓號兵

新疆圖志 軍制三 七

六護目一護兵十六伙夫十二馬夫十二分哨分棚擇要駐紮其

駐紮處所及各營懸缺待補實數詳注於後

中路撫標設步隊七營馬隊六營

步隊第一營駐省城以城守協暨協屬中旗併成已設官弁兵

夫二百九十九人懸缺兵夫二人分作三哨每哨八棚每棚什

長一正兵九伙夫一

步隊第二營駐省城以撫標中營左營右營併成已設官弁兵

夫及懸缺兵夫分哨分棚各制俱同上

步隊第三營駐省城以親軍衛隊編成已設官弁兵夫二百一

十一人懸缺兵夫九十九人分作三哨中哨六棚左右兩哨各五

棚每棚制如前

步隊第四營駐濟木薩以濟木薩營編成已設官弁兵夫一百

二十三人懸缺兵夫一百七十八人分作三哨中哨四棚左右

兩哨各二棚每棚制如前



步隊第五營駐吐魯番以吐魯番營編成已設官弁兵夫一百七十八人懸缺兵夫一百二十三人分作三哨中哨五棚左右兩哨各四棚每棚制如前

步隊第六營駐綏來以綏來協營編成已設官弁兵夫二百一十一人懸缺兵夫九十人分作三哨中哨六棚左右兩哨各五棚每棚制如前

步隊第七營駐庫爾喀喇烏蘇以烏蘇營編成已設官弁兵夫一百二十三人懸缺兵夫一百七十八人分作三哨中哨四棚左右兩哨各二棚每棚制如前

馬隊第一營駐省城內分一哨紫泉康縣以迪化城守協標左旗及濟木薩營左旗馬隊併成已設官弁兵夫一百一十九人懸缺兵夫六十二人分作三哨中哨三棚左右兩哨各二棚每棚什長一正兵九伙夫馬夫各一

馬隊第二營駐省城內分一哨駐呼圖壁以撫標中營左旗及左營左旗併成

新疆圖志

軍制三

八

已設官弁兵夫及懸缺兵夫分哨分棚各制俱同上

馬隊第三營駐省城以親軍馬隊一旗改編已設官弁兵夫及懸缺兵夫分哨分棚各制俱同上

馬隊第四營駐達坂城內分一哨駐托克遜以噶遜營馬隊及吐魯番左旗馬隊併成已設官弁兵夫及懸缺兵夫分哨分棚各制俱同上

馬隊第五營駐瑪納斯內分一哨駐烏蘭烏蘇以瑪納斯協左右兩旗併成已設官弁兵夫及懸缺兵夫分哨分棚各制俱同上

馬隊第六營駐庫爾喀喇烏蘇內分一哨駐奎屯一哨駐車排子以烏蘇營中軍馬隊一旗改編已設官弁兵夫一百七人懸缺兵夫七十四人分作

三哨每哨各二棚每棚制如前

前路喀什噶爾提標設步隊六營馬隊七營

步隊第一營駐喀什漢城以提標中營及英吉沙爾營併成已設官弁兵夫二百三十三人懸缺兵夫六十八人分作三哨每哨六棚每棚制如中路



步隊第二營駐喀什漢城以提標左營右營併成已設官弁兵夫及懸缺兵夫分哨分棚各制俱同上

步隊第三營駐喀什漢城分哨駐大阿圖什卡依斯里克卡塔什密里克卡烏帕爾卡等處以提標城守營及

城守礮隊併成已設官弁兵夫二百一十一人懸缺兵夫九十人分作三哨中哨六棚左右兩哨各五棚每棚制如前

步隊第四營駐回城分哨駐明約路及喀浪圭卡以回城協及瑪納巴什營併成已

設官弁兵夫及懸缺兵夫分哨分棚各制俱同上

步隊第五營駐莎車府城分哨駐蒲雅應城以莎車協營編成已設官弁兵

夫及懸缺兵夫分哨分棚各制俱同上

步隊第六營駐和闐州城以和闐州營編成已設官弁兵夫一百七十八人懸缺兵夫一百二十三人分作三哨中哨五棚左

右兩哨各四棚每棚制如前

馬隊第一營駐喀什漢城以提標練軍左旗編成已設官弁兵夫一百一十九人懸缺兵夫六十二人分作三哨中哨三棚左

新疆圖志

軍制三

右兩哨各二棚每棚制如中路

馬隊第二營駐喀什漢城分哨駐布倫庫爾木虎木吉蘇巴什伽師等處以練軍左旗馬隊編成

已設官弁兵夫及懸缺兵夫分哨分棚各制俱同上

馬隊第三營駐喀什回城分哨駐烏魯克格提哈瑪克卡圖書克塔什卡業干卡等處以回城協標左右兩

旗馬隊編成已設官弁兵夫及懸缺兵夫分哨分棚各制俱同上

馬隊第四營駐英吉沙爾廳城以提標小馬隊及英吉沙爾營

中軍馬隊併成已設官弁兵夫一百七人懸缺兵夫七十四人

分作三哨每哨兩棚每棚制如前

馬隊第五營駐葉成分哨駐皮山一哨駐莎車以莎車協標左右兩旗馬隊編成

已設官弁兵夫一百一十九人懸缺兵夫六十二人分作三哨

中哨三棚每棚制如前

馬隊第六營駐于闐縣城分哨駐洛浦卡牆等處以和闐中軍馬隊編成已設

官弁兵夫一百七人懸缺兵夫七十四人分作三哨每哨二棚



每棚制如前

馬隊第七營駐巴楚州城以提標中營左右兩旗編成已設官弁兵夫一百一十九人懸缺兵夫六十二人分作三哨中哨三棚左右兩哨各二棚每棚制如前

左路阿克蘇鎮標步隊五營馬隊六營

步隊第一營駐溫宿府城以鎮標中營編成已設官弁兵夫一百七十八人懸缺兵夫一百二十三人分作三哨中哨五棚左右兩哨各四棚每棚制如前

步隊第二營駐溫宿府城以鎮標左營及礮隊併成已設官弁兵夫及懸缺兵夫分哨分棚各制俱同上

步隊第三營駐烏什廳城以烏什協標編成已設官弁兵夫及懸缺兵夫分哨分棚各制俱同上

步隊第四營駐庫車州城以庫車營編成已設官弁兵夫及懸缺兵夫分哨分棚各制俱同上

新疆圖志

軍制三

十

步隊第五營駐焉耆府城分哨駐蒲昌及卡克里克等處以喀喇沙爾營蒲昌營卡克里克營併成已設官弁兵夫二百九十九人懸缺兵夫二人分作三哨每哨八棚每棚制如前

馬隊第一營駐溫宿府城以鎮標練軍馬隊編成已設官弁兵夫一百一十九人懸缺兵夫六十二人分作三哨中哨三棚左右兩哨各兩棚每棚制如前路

馬隊第二營駐溫宿府城分哨駐拜城以鎮標小馬隊編成已設官弁兵夫一百七十七人懸缺兵夫七十四人分作三哨每哨二棚每棚制如前

馬隊第三營駐溫宿縣城以鎮標中營左旗編成已設官弁兵夫及懸缺兵夫分哨分棚各制俱同上

馬隊第四營駐烏什廳城以烏什協標左旗編成已設官弁兵夫及懸缺兵夫分哨分棚各制俱同上

馬隊第五營駐庫車州城以庫車營左旗馬隊編成已設官弁



兵夫及懸缺兵夫分哨分棚各制俱同上

馬隊第六營駐庫爾勒分哨駐焉耆輪臺等處以喀喇沙爾營中軍馬隊編成

已設官弁兵夫及懸缺兵夫分哨分棚各制俱同上

右路伊犁鎮標設步隊四營馬隊五營

步隊第一營駐綏定城分一哨駐甯遠縣城以鎮標各營及綏定甯遠城守營

併成已設官弁兵夫二百九十九人懸缺兵夫二人分作三哨

每哨八棚每棚制如左路

步隊第二營駐瞻德城分一哨駐霍爾果斯應城以鎮標各營及霍爾果斯營併

成已設官弁兵夫及懸缺兵夫分哨分棚各制俱同上

步隊第三營駐精河廳城以精河營編成已設官弁兵夫及懸

缺兵夫分哨分棚各制俱同上

步隊第四營駐塔城以塔城協營編成已設官弁兵夫及懸缺

兵夫分哨分棚各制俱同上

馬隊第一營駐霍爾果斯廳城分哨駐德城等處以鎮標各營及霍爾果斯

新疆圖志

軍制三

營併成已設官弁兵夫一百一十九人懸缺兵夫六十二人分

作三哨中哨三棚左右兩哨各二棚每棚制如左路

馬隊第二營駐甯遠縣城分哨駐城盤子綏定白楊溝等處以鎮標各營及甯遠營併

成已設官弁兵夫及懸缺兵夫分哨分棚各制俱同上

馬隊第三營駐蘆草溝分哨駐菓子溝朝陽洞等處以鎮標各營編成已設官弁兵

夫及懸缺兵夫分哨分棚各制俱同上

馬隊第四營駐精河廳城分哨駐大河沿二台松樹塘等處以精河營編成已設官弁

兵夫及懸缺兵夫分哨分棚各制俱同上

馬隊第五營駐塔城以塔城協營編成已設官弁兵夫及懸缺

兵夫分哨分棚各制俱同上

後路巴里坤鎮標設步隊三營馬隊四營

步隊第一營駐鎮西廳城以鎮標中營城守營併成已設官弁

兵夫一百七十八人懸缺兵夫一百二十三人分作三哨中哨

五棚左右兩哨各四棚每棚制如右路



步隊第二營駐古城以鎮標左營編成已設官弁兵夫及懸缺兵夫分哨分棚各制俱同上

步隊第三營駐哈密城以哈密協及塔爾納沁營併成已設官弁兵夫二百一十一人懸缺兵夫九十人分作三哨中哨六棚左右兩哨各五棚每棚制如前

馬隊第一營駐鎮西廳城以鎮標中旗及小馬隊併成已設官弁兵夫一百七人懸缺兵夫七十四人分作三哨每哨二棚每棚制如右路

馬隊第二營駐木壘河分哨駐奇臺以鎮標左營中軍馬隊編成已設官弁兵夫及懸缺兵夫分哨分棚各制俱同上

馬隊第三營駐哈密城以哈密協標左旗馬隊編成已設官弁兵夫及懸缺兵夫分哨分棚各制俱同上

馬隊第四營駐哈密城以哈密協標右旗馬隊編成已設官弁兵夫及懸缺兵夫分哨分棚各制俱同上

新疆圖志

軍制三

十二

統計五路馬步五十三營中路統制設統領一員幫統一員前左右後四路統制全設共已設官弁兵夫八千七百八十人懸缺待補兵夫三千九百一十一人由標營而變為巡防隊此兵制之三變也

新軍

新疆奉改練鎮兵之

旨以餉項奇絀久未舉行自巡撫吳引孫蒞任伊始即以前撫臣潘效蘇創辦土著世襲兵邊防廢弛苦累民生擬請停止改練新

軍

疏云竊新疆近年餉源枯窘各省關自顧不協募餉解不足額加以幅遠遼闊俄英連界兵單地廣防不勝防光緒二十九年二月間前撫臣潘效蘇因裁兵節餉奏請創辦土著世襲兵招募回專事屯牧新定章程每月給鹽菜銀九錢糧四斗

意謂屯牧獲利每年分給各兵可抵月餉並擬屯牧需本甚鉅初擬息借洋款旋因息重未借經戶部電覆令就現餉勻撥詎知勸民以興墾牧則易為功責兵以興屯牧則難為力新疆自開設行省以來前撫臣劉錦棠飭集營兵發給牛羊種籽廣開屯牧旋辦旋止前撫臣饒應祺派兵開屯羅布淖爾安插受撫各回事歷數年款糜鉅萬卒因舉未擇地土性多鹵仍就荒蕪戶口亦多逃散蓋緣西北與辦屯牧實兵於農本為古法然民間擇地自墾自牧易於圖成非若官辦兵屯兵牧利少弊多徒滋耗費以劉錦棠饒應祺之經營墾畫不惜巨費尚無實效今欲實省事速舉年而告成功烏可得哉嗣因練兵處催練新軍藉名撫飾奏改為常備兵並期諸十數年之後糧足羊多祇需協餉十餘萬兩其實徒託空言所稱常備兵者仍照初章辦理第於募用糧回之中參用流寓漢民稍杜口實兩年以來強民為兵按戶派充民間視為畏途應選者大半逃亡營哨官迫於功令或出金私雇藉以足額標營兵勇向章口糧本重今每月減給銀糧復令屯牧以今視昔勞逸迥殊多不樂從至撥地給羊事本勉強承辦委員等曲意逢迎不求實事惟圖卸過與民爭地爭渠營兵憚於墾荒攘奪熟田迫令遷徙並減價派羊硬佔民間草湖牧地民怨漸騰率多上控數十年聚族於斯田疇虛舍牲畜拱手而屬他人因相與扶老攜幼飲恨吞聲露處於廣漠寒積之地聞者蹙額言者傷心草場牧羊本



分冬夏兩季冬取向陽夏取背陰自割歸營兵求牧地宜於夏者不宜於冬且牧羊必得其性蒙古哈薩克逐水草而居最善牧  
養晝同游夜同處故孽生甚衆今蒙世襲兵撥以羊隻既不擇牧地又不識畜性因是倒斃十居六七孽生甚少羊本多虧故屯牧  
兩事費帑不資利未見而害先形終歸無濟前撫臣潘效蘇創議此舉屢經文武各官等勸阻嗣亦深悉事多窒礙其明知不可爲  
而爲之者殆以半途而廢人笑柄蹈出爾反爾之譏以故執意徑行既鋪張粉飾於先復遷就彌縫於後邊防幸雖無事而小民  
之受累已深潘效蘇此次巡閱南疆目睹派羊擾害已通飭各屬將羊隻退還繳本而世襲兵迄未議停新省各勇遣散已多所留  
存者欠餉至今未清現計留存各勇及新募糧回等約共一萬餘人倘此萬餘人不辦屯牧專事操防尙可爲緩急之恃無如以月  
給數錢數斗之銀糧而致力於屯牧不可必之利更責以操防訓練其何能及一旦有事無論禦外侮難即緝內匪亦難列關外地  
瘠民貧謀生不易傭工價昂土著均不願應募即使應募回性多愚蠢教養未周木貽害不可勝言漢裝回教心計叵測正宜務以  
兵威方免後患更未便使隸軍籍今閩省裁兵太多種類龐雜逼近強鄰在在可慮辦屯牧而成效難期仍嗟無餉募糧回而隱憂  
已伏幾等無兵重臣在忝權觀茲時局所關實有迫不及待之勢用是改絃易轍萬不敢再事遲延業以電商提鎮各道迅飭印委  
各員將世襲兵事宜一律停辦已募之糧漢各回撤退更換並飭地方官會同標營踏勘擇其有水無礙可望收成者酌量  
留存招佃耕種或退歸原主令其照常自種納糧所領羊隻僅飭悉數退還民間令繳成本屯牧總局亦即裁撤新疆爲古游牧之  
地纏漢各回民等舉牧原爲當務之急擬仍令各屬隨時勸民耕土宜順物性切實講求以盡地利不得因世襲兵停辦遂視民間  
舉牧爲緩圖臣查三十年戶部議覆新疆裁兵節餉與辦屯牧一摺內稱纏族之性懦難恃回民之反覆無常尤須顧慮及之應會  
同陝甘總督臣崑岡提督臣詳慎籌維妥協辦理又稱此次嚴加裁第屬權宜之計斷非久遠之圖各等因在部臣洞悉邊  
情固早見及於萬里之外臣才庸識短原不敢遽議更張惟體察情形權衡輕重不能不急請停止整頓變通勉爲邊陲作未雨綢  
繆之策况練兵處所各陸軍營次餉章各節及各學堂章程屢次電催各直省皆次第舉行獨新疆因餉項奇絀尙未籌辦現值時  
局艱危 朝廷以練兵爲急務新疆屬在邊隅尤宜及時訓練以副 諭旨整齊畫一之意臣伏讀軍機大臣字寄本年八月十四  
日奉 上諭長庚現已請訓到任著將應辦事宜認真經理所有新疆地方文武及兵餉一切事務均歸該將軍節制其應如何籌  
餉練兵整頓地方之處著會同潘效蘇悉心通籌妥議具奏等因欽此仰見 宮廷宵旰憂勤謹念邊域踴聆之下欽佩莫名刻下  
伊犁將軍長庚到任需時操防喫緊未敢稍事推延臣現調備左右前後四營及駐省之中管屯聚一處選將領聘教習按照  
新章認真編練力除營勇舊習至省城原有之左右兩翼練軍馬隊城守協撫標中右各營旂暨礮隊衛隊巡警兵亦悉令改練新  
法但續備軍調省聚操地方防務未宜鬆懈查伊犁塔城有將軍參贊鎮協馬步各營旂尙足鎮懾惟喀什噶爾地處極邊防守最  
關緊要阿克蘇巴里坤次之臣已電商各提鎮速撥兵勇駐紮如實在不敷分布應量爲添募以期防堵嚴密無稍疏虞所需餉項  
臣當按練兵處變通制略就現有之餉預爲籌畫審量增加論餉需難濟本不可過多 新軍者卽陸軍也業  
論新制初頒亦不宜太少務期豐儉得中令將士踴躍歡欣人人有忠義勃發之氣

### 經練兵處會同兵部具奏議覆奉

### 新疆圖志

軍制三

十三

### 旨允准未及

奏報而吳引孫已卸事矣巡撫聯魁接篆之後以新省原有續備  
步隊五營及左右兩翼馬隊六旗已經前撫臣吳引孫調集省城  
挑選裁併改編步隊三營爲一標馬隊兩營礮隊一營爲一標共  
爲減成協卽將營制餉章

奏咨立案部議駁覆以爲編練新軍必須徵募土著方符定章該  
省以漢少回多限於人地擬將舊有續備五營馬隊六旗挑選新  
軍係爲變通辦理起見應卽准其試辦至馬礮隊爲一標編制糅  
雜教練較難且與制章不合應令馬礮分設徑隸協統管轄馬隊  
既有兩營卽編爲第一第二兩營暫虛第三營礮隊卽編爲第一  
營暫虛第二第三兩營俟該省餉項充裕再行添足至營制內步  
隊既成足一標其統帶項下除標旗尙未頒發掌旗官無庸設立  
副軍醫官難得專門之選均暫准不設其執事官一副軍需官一  
皆有應辦之事仍應照章添設俾專責成於是新疆陸軍悉遵部



議設定惟馬隊則於編制時卽添設三營成足一標又設工程隊一隊卽爲今制

督練處

爲全省軍事總匯之區督練省內所有軍隊及陸軍各學堂並輔佐督撫以圖教育訓練改良劃一

督辦

以新疆巡撫兼攝管轄督練處一切事務

兵備處

總辦

以藩司兼充稟承督辦考核章制及各營功過賞罰籌備糧餉軍械醫務等事

文案一

參謀處

總辦

以藩司兼充稟承督辦贊佐調度策畫並考查中外輿圖形勝等事

文案一

教練處

總辦已經歸併於兵備參謀兩處仍以藩法兩司兼充稟承督辦考查訓練兵隊暨審定學堂課程等事

一等副官一二等副官一一等書記一司書生三

籌備科

科長一一等科員一二等科員二三等科員三三三書記一司書生二

糧餉科

新疆圖志

軍制三

十四

科長一一等科員一二等科員四三三書記官一司法生九

軍械局

局長一一等局員一二等局員一三三書記官一司書生二局丁二司門一

一協減成營制

統領官一參軍官一執事官一二等書記官二司書生二司號長一弁目一馬弁六護兵十伙夫二騎馬七匹

步隊一標減成營制

統帶官一教練官一執事官一副軍需官一司號長一二等書記官二司書生二弁目一馬弁四護目一護兵八伙夫二騎馬十七匹

步隊一營減成營制

管帶官一督隊官一

幫同教練管理庶務

隊官四

每隊一員

排長十二

每排一員

正目二十六

每棚一名



副目三十六每棚一名正兵一百四十四每棚四名副兵二百八十八每棚八名軍需長

一幫理本營餉械裝服各事醫官各用二名每醫生一書記長一司書生六隊官各用一名號目一號兵八

二名護目一護兵十八管帶官用六名每隊官各用三名匠目一槍匠一皮匠一備補兵三

十六每棚一名平時隨同操練遇有兵缺提補行軍時照料帳棚及行李各件伙夫三十八管帶項下兵匠用二名每棚目兵各用一名駕車兵四喂養

夫四隨營車四輛駕車騾十二匹

### 馬隊減成營制

管帶官一督隊官一隊官四每隊一員排長八每排一員正目十六每棚一名副目十六

每棚一名正兵六十四每棚四名副兵一百二十八每棚八名軍需長一司務長一馬醫

生一查馬長一管理馬匹強弱考察馬匹強弱書記長一司書生六管帶官用二名每隊官各用一名號目一號

兵八每隊二名護目一護兵十二管帶官用四名每隊官各用二名匠目一掌匠四備補兵十六

每棚一名槍匠一皮匠一伙夫十八管帶官項下兵匠用二名每棚用一名駕車兵四喂養夫四馬夫

目四每隊一名分帶馬夫辦理鋤草煮料掃除等事馬夫三十一每隊八名隨營車四輛駕車騾十二匹戰

馬二百六十四督隊官隊官排長司務長正副目兵號護目兵各一匹

### 陸路礮隊減成營制

### 新疆圖志

軍制三

十五

管帶官一督隊官一隊官三每隊一員排長九每排一員正目二十七每棚一名副目二

十七每棚一名正兵一百八每棚四名副兵二百十六每棚八名軍需長一辦理本營糧餉裝服各事醫生

一馬醫生一書記長一司書生五管帶官用二名每隊各用一名號目一號兵六每隊二名護目

一護兵十八管帶官用六名每隊官各用四名匠目一礮匠一備補兵二十七每棚一名伙夫三

十一管帶官項下兵匠用四名每棚目兵各用一名駕車兵四喂養夫四馬夫目一每隊一名行軍時每隊加一名馬夫十

八每隊十三名行軍時馬數添足每隊加九名隨營車四輛駕礮車馬一百八匹礮十八尊每隊六尊

### 工程隊

暫設

管帶官一督隊官一隊官一排長三司書生二木匠三礮目一號

目一號兵二護兵六正目九副目九正兵三十六副兵五十四伙

夫十工程一隊住紮城內暫歸協統兼帶

### 陸軍小學堂一所

陸軍小學堂之設查部定章程陸軍小學為養成陸軍將官之初

級專教普通課及軍事初級學三年畢業升入陸軍中學以資深

造新疆自光緒三十三年巡撫聯魁以陸軍小學堂實為造就初



級軍官之基礎新省將弁雖不合材武之士祇以從軍塞外囿于見聞講習新操者蓋尤應及早開辦以儲將才遂就南城外機器局舊址添築堂舍卽行開辦以資造就將才云

管理員設總辦二

以布政使按察使兼攝

監督一提調二收支兼文案一

隊官一掛長三教

員設修身兼國文一英文一兵學一兵學兼圖畫一兵學兼格修身一歷史一地理一算學一算學助教員兼學長事一醫官兼衛生學一器械體操一學生額數定章二百一十名均分三年收足其學科曰修身曰國文曰外國文曰歷史曰地理曰算學曰格致曰圖畫曰兵學曰操練其分年講授階級以及一切管理諸務悉遵

奏定章程辦理惟經費則極力撙節較之原章稍形減少云

巡警

新疆自三十年巡撫潘效蘇奏准裁兵卽以轄境遼闊不敷分布議設巡警兵以資防禦惟彼時規模粗具未能遽臻完善至三十

新疆圖志

軍制三

十六

四年巡撫聯魁奏以巡防步隊可抽六營額餉奏請招練巡警得旨允准部臣恭錄

殊批行文新疆巡撫遵照迅將此項巡警共招募若干名何時起餉按照何處警章開支先行報部立案巡撫聯魁卽飭司會議以爲此次各屬編設警勇大致應仿照省城辦理而畧爲損益之以免兩歧計省外府廳州縣共三十九屬原議分最要次要中要三等通盤籌畫擬各設巡弁一巡記一教習一最要次要各巡丁四人中要設巡丁二人最要設巡目十四人及十八人不等次要設巡目四人中要設巡目四人最要設巡兵五十六人及四十人不等次要設巡兵二十四人中要設巡兵十六人各設伙夫一人議定卽通飭各屬如數招募卽爲今制茲將最設次要中要三等所設兵弁額數分晰列明

最要二屬

莎車府

疏附縣



每處設巡弁一巡記一教習一巡丁四人巡目十四人巡兵五十  
六人伙夫一人

最要八屬

奇臺縣

綏來縣

綏定縣

塔城廳

庫車州

和闐州

焉耆府

溫宿府

每處設巡弁一巡記一教習一巡丁四人巡目十人巡兵四十人  
伙夫一人

次要十三屬

昌吉縣

甯遠縣

溫宿縣

于闐縣

葉城縣

哈密廳

吐魯番廳

庫爾喀喇烏蘇

精河廳

烏什廳

英吉沙爾廳

巴楚州

疏勒府

每處設巡弁一巡記一教習一巡丁四人巡目四人巡兵二十四  
人伙夫一人

新疆圖志

軍制三

十七

中要十六屬

孚遠縣

阜康縣

鄯善縣

婁羌縣

新平縣

輪臺縣

沙雅縣

拜城縣

伽師縣

皮山縣

洛浦縣

鎮西廳

蒲犁廳

霍爾果斯廳

呼圖壁縣丞

柯坪縣丞

每處設巡弁一巡記一教習一巡丁二人巡目四人巡兵十六人  
伙夫一人

合計三十九屬設巡弁兵夫一千五百三十人